

SUMBANGAN KERAJAAN NEGERI SELANGOR

PSSGM terima \$6,000

13 NOV 1987

Oleh SAARI SANIF *PENYALUTAN*
PERTUBUHAN Seni Silat Gayong Malaysia (PSSGM) cawangan Klang, Selangor menerima sumbangan \$6,000 untuk membiayai perbelanjaan pesilat-pesilatnya menjalani latihan pusat di Kompleks Sukan Kampung Pandan bagi menghadapi Kejuaraan Silat Sedunia Disember ini.

Daripada jumlah itu, kerajaan negeri menyumbang \$5,000 dan \$1,000 lagi sumbangan peribadi Menteri Besar Selangor, Datuk Haji Muhammad Haji Muhd Taib.

Menteri Besar sendiri menyerahkan cek itu kepada pengurus silat Selangor, Adnan Zakaria di pejabatnya baru-baru ini.

Latihan pusat anjuran Persekutuan Seni Silat Kebangsaan Malaysia (Pesaka) itu bermula sejak pada Selasa lalu akan berakhir hujung bulan ini dipimpin oleh jurulatih, Mohd Sani Murni, Johari Ibrahim dan Yusof Darus.

Menurut Adnan, peserta dari PSSGM (C) Klang yang dipilih mewakili negara ialah, Mohd Khairi Abdul Rahman, Ruzaidi Rahman, Normala Yaakob dan Mohd Rafee Yaacob.

B. Harian (M)

Beliau meminta semua pesilat yang dipilih menjalani latihan pusat itu perlu menunjukkan keupayaan masing-masing dengan semangat dedikasi serta mematuhi setiap arahan jurulatih demi untuk membentuk satu pasukan yang kuat.

ENGGAN TUKAR KELAS

Saya tidak takut Joko—Wardi

13 NOV 1987

Oleh ISNIN AMAN *PENYALUTAN*
PESILAT Terbaik Kebangsaan tahun lalu, Ahmad Wardi Salim, tidak berhajat menukar kelasnya bagi menghadapi Kejuaraan Silat Sedunia di Kuala Lumpur dari 2-9 Disember ini semata-mata mengelak daripada bertemu musuh ketatnya, Joko Wedodo.

PENYALUTAN

"Saya rasa, belum tiba masanya untuk saya menukar kelas dalam kejohanan silat itu nanti dan tidak juga melakukannya jika bertanding di peringkat kebangsaan," katanya.

Ahmad Wardi yang bertanding dalam Kelas B, dikatakan terlalu sukar untuk mencapai kecemerlangan selagi dia bertanding dalam kumpulan sama dengan peserta Indonesia itu.

Sebelum ini dia dinasihatkan menukar kelas jika ingin mencatat kejayaan dan mengelakkan daripada berjumpa Joko yang pernah menewasnya dua kali.

Sungguhpun semangat yang ditunjukkan oleh pesilat negara itu begitu memberangsangkan untuk menyingkirkan musuh tradisi te-

tapi dikatakan agak sukar untuk berbuat demikian berikutan pencapaian pesilat itu semakin mantap.

B. Harian (M)

"Biar apa pun kemungkinannya, saya tetap memburu Joko dan hanya akan bertukar kelas jika dia turut berbuat demikian. Hakikatnya, saya akan terus berusaha untuk mengalahkan Joko," kata Wardi lagi.

Dalam Sukan SEA di Jakarta, September lalu, Ahmad Wardi tumpas kepada Joko peringkat separuh akhir dan hanya berjaya memungut pingat gangsa untuk negara.

Sebelum itu dalam kejohanan dunia di Jakarta 1983, Wardi turut tewas kepada Joko. "Saya percaya Kuala Lumpur menjadi gelanggang untuk menebus kegagalan pahit itu.

"Sehubungan itu, saya akan berusaha mencari kelebihannya dan saya akan mempamerkan corak terbaik untuk menumpaskannya," kata pesilat dari Melaka itu.

Menurutnya, jika dia bertukar ke kelas lain sudah pasti Joko menganggapnya pengecut. "Tunggulah siapa yang benar-benar jago nanti.